

四庫全書

子部

欽定四庫全書

子部

玉海卷三十六

詳校官給事中臣查善長
主事臣祁韻士覆勘

總校官進士臣朱鉉
校對官中書臣徐秉敬

謄錄監生臣任頴

欽定四庫全書

玉海卷三十六

宋 王應麟 撰

藝文

易

下
易附

魏王弼注易 大衍論 易畧例

魏志鍾會論易無互體山陽王弼好論儒道辭才逸辯

注易及老子

荀爽難弼大衍義 王濟云見弼易注所誤者多 孫盛曰雖有可觀恐泥大道

隋志周易十卷魏尚書郎王弼注六十四卦六卷晉

太常韓康伯注繫辭以下三卷弼又撰易畧例一卷梁

有周易難王輔嗣義一卷晉顧夷等撰

宋書荀悅之
難王弼易義

四十餘條關康
之申王難顧夷等撰盡神論一卷魏鍾會撰梁有周易無互

體論三卷亡 唐志王弼注七卷又大衍論三卷 國

史志王弼易論一卷大類畧例而不及 中興書目弼

有易辯一卷或言晉得之王羲之承詔錄藏秘府 繫

辭注王弼曰演天地之數所賴者五十也正義曰韓氏

親受業於王弼 唐邢璿注畧例叙曰大則總一部之

指歸小則明六爻之得失承乘逆順之理應變情偽之

端用有行藏辭有險易明彖爻通變明象辨位

卦
凡十一卦下二篇
上以辨諸家之惑

陸澄曰王弼注易玄學所宗今

若弘儒鄭注不可廢自商瞿之後雖有異家之學同以

象數為宗數年後乃有王弼之說

輔嗣之易出於馬鄭
馬鄭又出於費氏占

文易 康成注本無乾傳泰傳字輔嗣
加之以卷首之卦題曰傳離為六篇

伏曼容曰何

晏疑易中九事 孔穎達曰輔嗣之意象本釋經宜相

附近分爻之象辭各附當爻則費氏時猶若今乾卦彖象繫卦之末歟古文始變於費氏大亂於王弼

魏易傳

魏志 正始六年十二月辛亥詔司徒王朗所作易傳令學者得以課試子肅撰定闡駢注易傳 釋文序錄王肅注

十卷釋文引王肅本 西都有丁孟京田東郡有荀劉馬鄭

吳虞翻易注

隋志虞翻注九卷釋文序錄十卷 陸續注十卷序錄三十卷 梁有周

易日月變例六卷虞翻陸續撰 吳志虞翻注易奏曰
夢道士布易六爻撓其三以飲臣言易道在天三爻足
矣

晉周易統畧

隋志鄒湛統畧五卷楊乂卦序論一卷

唐志云統畧論三卷

御

覽引楊乂易卦序論云儉而止山也儉而動泉也

晉周易訓注

儒林傳劉兆字延世撰周易訓注以正動二體互通其

文 文苑傳 李充注 尚書及周易旨六篇 隋志晉李顥周易卦象數旨六卷

晉易象論

劉惔傳時孫盛作易象妙於見形論論曰聖人知觀器圓應於著龜圓應不足以達變故表典要故寄妙迹於六爻簡文帝使殷浩難之不能屈惔與抗答辭甚簡至盛理遂屈嵇康作言不盡意論殷融作象不盡意論何襄城為六象之論曰實象曰假象曰偏象曰圓象曰義象曰用象蕭

氏又難之不取偏象圓象而立四象之論

晉干寶易傳

隋志干寶易注十卷

唐志同

周易爻義一卷

書目

寶之易學以卦爻配月或配日時傳諸人事以前
世已然之迹證之訓義頗有據

晉張璠集解

經典序錄張璠集解十二卷東晉秘書郎叅著作
集二十二家解序云依向秀本鍾會為易無向
互體論

秀庾運

為易應貞為易論

荀渾張渾王宏阮咸阮渾

為易楊乂

為易卦序論

王濟衛瓘

為易

樂肇

為易論

鄒湛

為易杜育楊瓊張軌

為易義

宣舒

為通知采藏往論

邢融裴

藻許適楊藻

並為易義

七錄云集二十八家七志云

十卷

釋文引
張璠本

晉周易論

隋志晉阮渾二卷晉宋岱一卷齊周顥十卷

梁有三卷

范氏四卷晉樂肇周易象論三卷

唐志一卷

楊乂卦序

論一卷 唐志鍾會周易論四卷應吉甫明易論

一卷阮長成仲容難答論二卷宋處宗通易論一
卷宣聘通易象論一卷 范仲淹上李泰伯易論

十三篇

禮論七篇明堂定制圖序一篇平土書三篇共二十四篇為十卷

晉周易畧譜

舊唐志一卷索宏撰周易譜一卷沈熊撰

周易四家集解

隋志馬鄭二王四家集解十卷楊氏集二王注五卷

梁朱

昇集注一百卷 又三十卷
孔子祛續朱昇集注周易一百卷

南史 朱震曰鄭氏傳

馬融之學多論互體陸續之學始論動爻王弼破互體

荀爽九家集注

序錄荀爽九家集注十卷不知何人所集稱荀爽者以為主故也其序有荀爽京房馬融鄭玄宋衷虞翻陸續姚信翟子玄為易義注內又有張氏朱氏並不詳何人

釋文引九家說卦釋文引荀爽九家集解

隋志荀爽九家注十卷 唐

志荀氏九家集解十卷 荀爽曰乾起坎而終於離坤
起離而終於坎離坎者乾坤之象而陰陽之府 謝萬
韓伯袁悅之桓玄卞伯玉荀柔之徐爰顧懽明僧紹
劉瓌以下十人並注繫辭為易音者三人王肅李軌
徐邈 蜀才人多不知顏之推云范長生也

後魏關子明易傳

書目關子明易傳一卷唐趙蕤注魏孝文使并州刺史
王虬與子明著成筮論數十篇蕤云亡篇過半今無能

詮次但隨文解義庶學者觸類而長阮逸詮次刊正洞
極玄經傳五卷關子明以生資育為傳以釋其蘊為經
論十一篇又為圖以序其象文中子錄子明事太和末
穆公與談易言於孝文帝帝曰且與卿就成筮論子明
曰乾坤之策陰陽之數推而行之不過三百六十六演
而伸之不過三百八十四天之道也象生有定數吉凶
有前期變而能通故治亂有可易之理王氏易道宗於子明晁
氏志闡朗字子明太和末王虬言於孝文召見著成筮

論數十篇唐趙蕤云恨書亡半隨文鉉解才十一篇
李邯鄲始著之目云王通贊易蓋宗此也 子明易
傳卜百年義第一次以統言易義大衍乾坤策盈虛闔
闢理性時變動靜神義終於雜義第十一

梁周易講疏

見後 梁武帝撰周易講疏及六十四卦二繫文言序
卦等義元帝周易講疏十卷

周易義例 隋文中子讚易

北史李鉉字寶鼎撰定孝經論語毛詩三禮義疏及三傳異同周易義例合三十餘卷 文中子中說王通字仲淹讚易七十篇讚易道以申先師之旨

唐七十六家易

藝文志經錄一曰易類七十六家八十八部六百六十五卷始於連山次以歸藏若周易則有卜商之傳二卷孟喜京房費直馬融荀爽之章句四十四卷鄭玄劉表董遇宋忠王肅王弼虞翻陸續姚信荀燁蜀才王廙干

寶黃穎崔浩崔觀何肩盧氏傅氏王又玄王凱冲韓康
伯謝萬桓玄荀諤荀柔之宋褰任希古之注荀氏九家
馬鄭二王張璠之集解著義疏者有宋明帝梁武帝張
該蕭偉蕭子政張譏何妥褚仲都梁蕭劉徽孔穎達陸
德明陰弘道著論者有王弼玄宗之大衍張璠鍾會范
氏應吉甫鄒湛阮長成阮仲容宋處宗宣聘藥肇袁宏
楊玄文義則干寶音譜則沈熊新注本義則薛仁貴發
揮則王勃終於玄宗大衍論不著錄十一家三百二十

九卷始於李鼎祚集注有東鄉助物象釋疑一行論大衍玄圖義決崔良佐忘象元載集注李吉甫

注一行易衛元嵩元包高定外傳終於裴通之書

盧行超之義陸希聲之傳隋志六十九部五百

五十一卷始於歸藏崇文目一十八部一百七十八卷

始於歸藏終於言象外傳中興書目一百一十二家七百

六十卷續目二十七家三十四部三百五卷釋

文序錄後漢費氏興而高氏遂微永嘉之亂施氏

梁丘之易亡孟京費之易人無傳者惟鄭康成王輔嗣所注行於世而王氏為世所重繫辭已下相承以韓康伯注續之

唐周易正義文句義疏

志正義十六卷舊志十四卷
書目十四卷國子祭酒孔穎達顏師古

司馬才章王恭太學博士馬嘉運助教趙乾叶王談于

志寧等奉詔撰四門博士蘇德融趙弘智覆審宋朝
拱元年

十月祭酒孔
誰等校正
正義有八論易之三名
三代易名
重卦之人
卦辭爻辭誰

作分上下二篇夫子十翼傳易之人誰加經字序云傳易者丁孟京田荀

劉馬鄭大抵更相祖述非有絕倫惟魏世王輔嗣之注獨冠古今江左諸儒並傳其學河北學者罕能及之江南義疏十有餘家皆辭尚虛玄義多浮誕隋志周易

義疏十九卷

舊唐志二十卷宋明帝集羣臣講於清暑殿詔伏

華林園舍芳堂講梁又有國子曼容執經又於講易義六卷宋明帝集羣臣講

易義疏二十卷齊永

明國學講周易講疏二十六卷又沈林周易義三卷周

易講疏三十五卷大義二十一卷繫辭義疏一卷梁武

帝撰

唐志大義二十卷

釋文引梁武帝云文言是文王所制

舊唐志周易大義二十卷又大義疑問

二十卷

梁

講疏十六卷

梁

褚仲都撰義疏十四卷繫辭

義疏三卷

蕭子政撰義疏十六卷陳周弘正撰繫辭義疏二卷

乾坤義一卷

劉瓍撰講疏三十卷陳張譏撰

張譏周易三十卷

又十三卷何妥撰

北史云三卷

唐志宋明帝注

義疏二十卷

張該等羣臣講易疏二十卷

舊志宋羣臣講易疏二十

卷張該等注

梁武帝大義疑問二十卷

蕭偉發義幾義各一卷梁蕃文句義疏二十卷又開題論序疏十卷釋序義

三卷陸德明周易文句義疏二十四卷文外大義二卷

隋志止云大義陰弘道周易新傳疏十卷薛仁貴新注本義十

四卷盧行超易義五卷 國史志冀震周易義畧十卷

亦曰何氏講疏十三卷 崇文目周易正義補闕七卷

中興目邢璡補闕正義畧例疏二卷 晦說之曰易

雜莊老而專明人事則自王弼始易家始失其所傳梁

丘施孟三家於是亡於晉而益京有書無師矣江左祖

尚玄虛弼學滋盛然晉專立鄭學孫盛詆弼之傳會浮

麗宋元嘉王鄭兩立顏延之為祭酒而黜鄭置王齊之
王學大盛河北專祖鄭隋士浮麗慕弼之學唐因之古
法始泯

唐周易大衍論

志玄宗周易大衍論三卷又一行易論卷亡又大衍玄圖

一卷義決一卷大衍論二十卷李吉甫注一行易亡舊史

李吉甫討論易象異義附於一行集注之下王弼大衍論三卷舊史一行

撰大衍論三卷劉禹錫辨易九六論引一行大衍論一行論三微而一象中興目

一行易傳十二卷元闕者四卷 一行作厯專用大衍

之策議曰蓍數之變九六各一乾坤之象七八各三六

子之象爻數通乎六十策數行者二百四十大衍為天

地之樞如環之無端蓋律厯之大紀也蓍以七備卦以

八周郭雍曰一行之學取三多三少之象以畫奇耦大衍之數五十其用四十

有九京房謂五十者十日十二辰二十八宿一不用者

天之生氣馬融云北辰居位不動荀爽曰初九潛龍勿

用故用四十九姚信董遇云天地數五十有五其六以

象六畫鄭玄云五行減五大衍又減一故減之用四十九王弼曰其一不用以其虛不用而用以之通非數而數以之成斯易之太極子夏曰一不用者太極也孔穎達曰虛一以象虛無之氣 乾鑿度曰日十干者五音也辰十二者六律也星二十八者七宿也凡五十 正義曰天數二十五總合五奇之數地數三十總合五偶之數乾之策二百一十有六者以乾老陽一爻有三十六策六爻凡有二百一十六策也乾之少陽一爻有二

十八策六爻則有一百六十八策此經據老陽之策也
坤之策百四十有四者坤之老陰一爻有二十四策六
爻故一百四十四策也若坤之少陰一爻有三十二六
爻則有一百九十二此經據坤之老陰也 韓氏注曰
乾一爻三十六策取其過揲四分而九也 坤一爻二十
四策取其過揲四分而六也 關子明大衍義曰夫數
兆於一生於二成於三此天地人所以立也 衍於五成
於六偶於十此五行六爻十日所以錯綜也 天一數之

兆也雖明其兆未可以用也地二數之生也有生則滋
乃可以推之也天三數之極也極乎終則反乎始兼兩
之義也五行水生乎一成乎六云云天一必待地六而成
之地二必待天七而成之其體雖五而成必六六者非
他天地生成之謂也天數五地數五五者非他三天兩
地之謂也地二天三合而為五其一不用者六來則一
去也既成則無生也有生於無終必有始既有則無去
矣既終則始去矣故大衍五十其用四十有九入有去

無之謂也物不兩大必曰虛盈日往月來晝極則夜進
盈於此則虛於彼盈於小必虛其大此用所以不窮也
程子曰數始於一備於五小衍之而成十大衍之而
為五十五十數之成也成則不動故損一以為用朱
震曰一者體也太極不動之數四十有九者用也兩儀
四象分太極之數總之則一散之則四十九非四十有
九之外復有一而其一不用也四十有九者七也故爻
用六著用七卦用八爻用九十即五也十盈數不可行

也 朱文公曰大衍之數五十蓋以河圖中宮天五乘
地十而得之至用以筮則又止用四十有九 乾之策
二百一十有六坤之策百四十有四凡三百有六十當
期之日二篇之策萬有一千五百二十當萬物之數也
朱文公曰策數生於四象二篇謂上下經凡陽爻百九
十二得六十九百一十二策陰爻百九十二得四十六
百八策合之得此數 唐仲友曰大衍通於範乎五行
隱而皇極虛斯大衍之數用矣五事而次皆曰用初一

曰五行不言用大衍之義著矣 李泰伯曰揲蓍之法用四十九取其整數增一損一則不可揲 陳高曰大衍自虛其一 劉牧曰天一居尊而不動 胡瑗曰陰不可過於陽地數三十之中去其六策 歐陽子曰大衍占法也 數出於自然而不可測四十有九是也 用通於變而無窮七八九六是也 邵子曰大衍聖人之倚數也五十蓍數六十卦數五者著之小衍故五十為大衍八者卦之小成則六十四為大成著德圓以况天數故

七七四十九

五十者存一言之

卦德方以况地數故八八六十

四

六十者去四言之之為五十地數三十合之為六十

天數二十五合

著用數卦體數

用以體為基故存一體以用為本故去四圓者本一方

者本四大衍之數其算法之原乎 郭雍曰此用數揲

著之法 巍夬曰五十總四十九之成數又合而為一

此著之體四十九自分而為二言此著之用 楊廷秀

曰虛其一者復歸於一也所謂易有太極 程迥曰天

地之數極於十各五位有合故衍之為五十五十總數

其一即會五十之全體 劉敞曰衍天之參則為三十
衍地之兩則為二十一者乾坤所不用乾積三以為九
故老陽九坤積二以為六故老陰六少陽七者益一於
老陰少陰八者益一於老陽 劉氏曰動靜一源顯微
無間知四十九為一之用即知一為四十九之體或以
干支辰宿八卦陰陽求合五十之數恐非 分而為二
以象兩掛一以象三揲之以四以象四時歸奇於
初以象閏五歲再閏故再初而後掛是故四營而

成易十有八變而成卦

唐集注周易

志李鼎祚十七卷元載一百卷書目集解十卷

序亦云十

卷唐志誤唐著作郎李鼎祚集子夏孟喜京房馬融荀爽鄭

康成劉表何晏宋衷虞翻陸續干寶王肅王輔嗣姚信
王廙張璠向秀王凱冲侯果蜀才翟玄韓康伯劉瓌何
妥崔愬沈麟士盧氏崔覲孔穎達等凡三十餘家附以
九家易乾鑿度凡十七篇其所取荀虞之說為多取序

卦冠之卦首案崇文總目云大抵以卦互體緣爻索變
蓋本易家師承之舊云七篇逸晁氏志十卷其序云自卜

七篇逸晁氏志

商之後傳註百家惟王鄭相沿頗行於代鄭多參天象
王全釋人事易道豈偏滯於天人哉天象難尋人事易
習折揚黃華學徒多從之今集諸家刊輔嗣之野文補
康成之逸象以貽同好蓋宗鄭學者也李燾云鼎祚自
序止云十卷無

亡失累例仍舊經
本經皆避唐諱

唐易傳

志陸希聲周易傳二卷 書目六卷案後說云著易傳
十篇傳上經為第一篇下經為第二篇又有演文伸繫
等八篇又撰易圖一卷指說一卷釋變微旨各一卷通
為十卷又文證一卷非十編之目今惟存上下經傳分
為六卷微旨分為三卷 朱震曰陸氏削去爻象自謂
彌縫其闕諧音以發其辭體正如子雲作太玄俾學者
為進易之梯階

唐周易發揮

志王勃五卷 王勃傳嘗夢有告者曰易有太極子勉思之寤而作易發揮數篇至晉卦會病止 文中子世家文中子贊易七十篇列為十卷

唐周易元包傳

志衛元嵩元包十卷

後周人

唐蘇源明傳李江注

書目同

李江序文質更變篇題各異夏曰連山殷曰歸藏周曰周易而唐謂之元包其實一也包者藏也言善惡是非吉凶得失皆藏其書也

李江謂六五經四八易雖太玄莫之與京

崇文目

元包十卷太陰太陽少陰少陽仲陰仲陽孟陰孟陽運
著說源一本無說
源第十卷 晁氏志坤為首因八卦世變為六

十四卦之次又著運著說源二篇統言卦體不列爻位
自云周易元包一也元包以坤為首乾後之義祖歸藏 宋乾道中張
行成以蘇李徒言其理未達其數著元包數總義二卷

唐易圖 易外傳

高定傳定高郢子通王氏易為圖合八出上圓下方合
則重轉則演七轉而六十四卦六甲八節備焉 志高

定周易外傳二十二卷 隋志梁有周易乾坤三象周

易新圖各一卷周易譜一卷

唐志云沈熊譜一卷雜音三卷袁宏譜畧三卷薛

景和普玄圖八卷

唐易書

志裴通易書一百五十卷通士淹子文宗訪以易義令

進所撰書通自祭酒改詹事因中謝上知通有易學因

訪以精義仍命進所習經本著易玄解并總論二十卷易禦冠十
二卷易洗心二十卷

國史志裴通周易玄解三卷

韋顥傳著易蘊解推演終始有深誼

唐周易新義

會要大和元年六月直講徐鄖上三卷 志薛仁貴新

注本義四卷 國史志李翹易詮三卷

唐周易物象釋疑

志周易物象釋疑一卷 書目一卷唐守江陵尹東鄉
助撰其說以象之所生生於義也有斯義然後明之以
物如以龍叙乾以馬明坤之類采注疏未釋者標出

唐周易舉正

書目三卷

崇文
目同

唐蘇州司戶郭京撰其序言得王輔嗣韓

康伯手寫定本比較今所習者或將經入注用注作經
小象中間以下句反居其上爻辭注內移後義却處於
前兼有脫遺兩字顛倒謬誤者並依定本舉正其訛總
一百三十五處二百七十三字

晁公武易解
多引用之

唐周易開玄闢 流演 啓源 易軌 甘棠

正義

晁氏志唐蘇鶚撰周易開玄闢一卷自序云五代祖晉

製八卦論編簡尚有存者畧演其旨如此成玄英撰周易流演五卷錯綜六十四卦演九宮以直年月日道藏錄之蔡廣成撰周易啓源十卷凡三十六篇史徵撰口訣義七卷抄錄注疏以便講習偽蜀蒲乾貫撰易軌一卷專言流演其序云可以知否泰之源察延促之數蓋數學也 崇文目周易甘棠正義三十卷任正一撰以孔穎達為本甘棠者正一為陝州司馬故名其書

唐太易

志道家張志和太易十五卷 張志和傳著太易十五篇其卦三百六十五 乾鑿度有太易未見氣之

太初氣之 始

太始形之 太素質之 始

先天圖

陳搏以傳种放放傳穆修修傳李挺之挺之傳邵雍雍有方圓二圖圖雖無文吾終日言而未嘗離乎是蓋天地萬物之理盡在其中矣先天學心法也故圖皆自中起萬化萬事生乎心也先天圖中環中也先天學生乎

誠先天之數自一而二自三而四自五而八乾兌離震
在左巽坎艮坤居右乾南坤北以定上下離東坎西以
列左右朱震朱熹蔡元定張行成申其說本義載伏羲
出邵氏圖外為陽方中為陰李挺之變卦反對圖八篇六十四卦
相生圖一篇 伏羲之卦先天也文王之卦後天
也

開寶王昭素易論 演聖通論

書目三十三卷崇文目同昭素以王韓注易及孔馬疏義或

未盡乃著此論

徐徽刪其畧為易論要纂十卷

開寶三年知制誥李

穆薦王昭素召見便殿昭素著易論三十三篇時年七

十餘太祖賜坐令講乾卦名宰臣薛居正等觀之至九

五飛龍在天昭素對曰此爻正當陛下今日之事此書

非聖人出不能合其象三月辛亥拜國子博士賜茶藥

及錢二十萬留月餘遣之

晁氏志以注疏異同互相

詰難蔽以已意

崇文目云取諸家之善參以其言折衷之

胡旦有易演聖

通論十六卷多引注疏及王昭素論為之商榷

天禧易樞 易筌 證墜簡

天禧二年七月戊寅富順監言李見撰易樞十卷詔附驛以聞 書目阮逸易筌六卷凡三百八十四卷

規十
一篇

晁說之易

晁氏志天禧中范諤昌撰證墜簡一卷其書類

郭京舉正如震卦彖辭內云脫不喪七鬯四字程正叔取之漸卦上六疑陸字誤胡翼之取之自謂其學出於李處約許堅

皇祐周易折蘊 卦要

皇祐三年九月二十二日評事孫坦上折蘊十卷帝嘉其勤博四年五月知益州田况上太常丞代淵所著周易旨要二十卷丙午以為祠部外郎至和元年十二月十八日宋咸上注周易十卷詔褒諭治平三年四月己丑工部侍郎皇甫泌上所著周易精義賜帛國史志仕奉古周易發題一卷周易正經明疑錄一卷知不

撰人

周易言象外傳

書目十卷

崇文
目同

侍講王洙撰凡十二篇序云論次舊義

傳以新說以王弼傳為內擿其異者表而正之故云外

也 紹興中沈該小傳六卷每卦別為一論

治平周易圖義

書目二卷治平中葉昌齡撰以劉牧鈎隱圖之失遂著此書凡四十五門牧撰易數鈎隱圖一卷采摭天地奇耦之數自太極生兩儀而下至於河圖凡六十四位點之成圖於圖之下各釋其義凡四十八圖黃黎獻受於

牧擴為畧例一卷隱訣一卷吳秘受於黎獻作通神一
卷以釋鈎隱奏之凡三十四篇常豫撰易源一卷

熙寧周易圖

熙寧九年五月二十二日宗子克顧進周易開奧圖克
孝進孝經傳詔褒之

周易傳

胡瑗翼易傳十卷門人倪天隱所纂非其自著故序首
稱先生 鄭夬揚周易傳十二卷姚嗣宗謂劉牧之學

授之吳祕祕授之夬夬又作明數明象明傳道明次例

明範五篇邵雍言夬竊其學於王豫沈括亦言夬之學

似雍云

陸東

端夫

易學十卷寶元二年奏御

邵古叟天

周易解五卷古雍之父

劉牧

長民

易十卷

書目劉牧

新注十一卷

慶歷初吳祕獻其書詔獎之田况為序言數者宗之又

鈞隱圖三卷

書目一卷又卦德通論一卷

徐庸易蘊一卷以春秋

凡例易亦有之著書九篇號意蘊凡例總論其學祖劉

牧陸東代淵易論二十卷皇甫泌周易述聞隱訣

補解各一卷精微一卷 石介

守道

周易五卷 王逢易

傳十卷 鮑子侁駿周易聖斷七卷本王弼劉牧而時

辨其非 宋咸易訓三卷自序謂既以補注奏御而男

億請餘義百餘篇因名易訓 吕大防周易古經二卷

凡十二篇無解釋 蘇軾東坡易傳十一卷父洵作易

傳未完述以成書 張載橫渠易說十卷 程氏

廩易

十卷序曰易變易也隨時變易以從道也推辭考卦可

以知變象與占在其中矣

朱文公曰交易為體往此來彼變易為用時靜而動邵

傳義畫程
演周經

王安石易義二十卷龔原注二十卷耿南

仲注二十卷 張弼易十卷頗宗鄭氏 房審權周易

義海一百卷集鄭玄至王安石凡六家摘取專明人事
者 中 熙寧

晁說之 以道古易十二卷又太極傳外傳因說

朱震 易子易集傳十一卷易圖三卷叢說一卷自謂學

以程頤為宗會邵雍張載之論合鄭玄王弼之學 牛
師德先天易鈴太極寶局二卷 石汝礪乾生歸一圖

二卷 王湜易學一卷潛心邵學 郭忠孝兼山易解二

卷頗明象數 張汝明易索十三卷 凌唐佐易集解
十卷 沈該周易小傳六卷 晁公武易故訓傳十八
卷採古今諸家附以已聞 胡銓易傳拾遺十卷宗主
程說時出新意 吕祖謙繫辭精義二卷 楊萬里誠
齋易傳二十卷 林黃中周易經傳集解三十六卷淳
熙中表進 項安世周易玩辭十六卷 程迥易章十
卷外編占法古易考各一卷世稱沙隨易 蔡淵周易
訓解大傳易說易象意言 魏了翁周易集義六十四

卷 麻衣道者正心易法一卷李潛序朱文公以為戴

師愈所作 周敦頤作太極圖說及通書四十章 郭

雍著易中庸之書十餘萬言有易說著卦辨疑

中興書
目雍易

解十一卷卦
辭旨要六卷

紹興御書周易泰否卦

紹興五年十月十一日庚戌右相張浚入見上親書周易否泰卦賜之浚奏自古小人傾陷君子莫不以朋黨為言臣嘗考泰之初九拔茅茹以其彙征象以為志在

外蓋言其志在天下國家非為身故也否之初九拔茅茹以其彊貞象以為志在君則君子連類而退蓋將以行善道而未始忘憂國愛君之心焉觀二爻之義而考其用心則朋黨之論不攻而自破矣臣又觀否泰之理起於人君一心之微一念之正其畫為陽泰自是而起矣一念之不正其畫為陰否自是而起矣泰之上六三陰已盡復變為陽則小人在外而泰所由以生焉二十五年八月以所著否泰卦解義進之奏曰其事本諸一

心 高宗書乾卦賜侍講秦梓

紹興易說

六年林儉乞上所著易書詔給事中朱震詳問震言用功至勤仍令明州給札錄其所著易說及天道大備書變卦纂集等合二十六卷上之二月甲辰儉偕資與堂除 八年六年五月李授之上易解除直秘閣 十五年十月二十七日劉翔進易解 十六年吳沆進易璇璣三卷二十七篇四月十七日郭伸上易解 二十七

年九月彭與上周易義解十冊神授易圖四冊大極歌
一冊易證詩一冊義文圖二軸館學者詳謂潛心象數
訓釋淹貫詔補上州文學三十年三月七日宋大明
上周易解紹興初朱震撰易傳十一卦圖三卷叢
說一卷表云傳九卷上采漢魏吳晉元魏下逮有唐及
今紹興中晁說之周易太極傳六卷外傳一卷因說
一卷說之從楊賢寶得康節先生自為易圖二作易傳
四種名曰商瞿傳李衡撮要十二卷

紹興易變體

續書目易變體十六卷紹興中吏部郎中都絜進謂筮有某卦之某卦為變體如蔡墨言潛龍勿用不曰乾初九而曰乾之姤言龍戰于野不曰坤上六而曰坤之剝此謂變體自乾之姤至未濟之解以意演之爻為一篇凡三百八十四篇

紹興大衍圖

十七年四月左廸功郎吳適進大衍圖庚戌令秘省詳

之

紹興揲蓍古法

紹興中鄭克武子撰一卷以今之言揲蓍法者或不取四營成易不待三變成爻而謂之小衍或不揲右手所分不數小指所掛而謂之新譜故列舊法使有可據程迥有揲蓍詳說

淳熙易書

淳熙八年八月五日知閩州呂凝之上易書四十卷上

問輔臣周必大奏曰此本邵雍之學蜀人張行成推衍之凝之必講學於行成上曰行成所著頗略必大曰凝之配年以卦爻所以加密 乾道二年六月四日以行成進易可采除直徽猷閣行成有述衍十八卷通變四十卷以易數生於衍因先釋繫辭之說而復析衍法窮原疏流命曰述衍邵雍之學祖於象數二圖其用皆起於爻爻則變今演解之命曰通變

淳熙周易集解 圖

十二年四月二十六日知潭州林栗進經傳集解三十
二卷繫辭上下二卷文言說卦序雜本文共為一卷河
圖洛書八卦九疇大衍總會圖六十四卦立成圖
大衍揲著解共為一卷總三十六冊詔付祕省敕
書獎諭 二年曾穜袁程顥頤張載游酢楊時郭
忠孝邵雍七先生之說為大易粹言十卷 李椿云
易以九居五六居二為當位而詞多難以六居五
九居二為不當位而詞多吉蓋君以剛健為體而虛

中為用臣以柔順為體而剛中為用君以虛中行其剛健臣以剛中守其柔順則上下交而其志同矣 程迥云以六居五以九居二為卦十有六雖為時不同其十有五皆吉謂人君柔中虛己而任剛德之臣其臣亦以剛中應之惟恒卦則不然恒從所應漢元帝似之 張掄為易卦補遺其言曰易以初上二爻為定體以中四爻為變系辭謂之中爻先儒謂之互體所謂雜物撰德辨是與非八卦互成剛柔相易之道非此無見焉坤與

坎曰師而長子帥師之象蓋出乎震艮與坤曰謙而用涉大川之象蓋出乎坎雷在天上大壯而曰羝羊有孚存焉明入地中明夷而曰蒙難有坎存焉 張浚易解并雜記共十卷論易數曰太極一也兩儀三之也分為二而七八九六之數五十有五此天地之中數也論剛柔之義曰君道主剛而其義也用柔故乾動則為坤矣 臣道主柔而其動也用剛故坤動則為乾矣 朱震曰變動之別其傳有五曰動爻卦變互體五行納甲而卦

變之中又有變焉

程頤主理
震主數

淳熙易學啓蒙 本義

朱文公熹淳熙四年易本義成十二卷又為諸圖冠首

為五贊

原象
稽類

述旨

明筮

及筮儀附于末音義二卷

十三年三月易學啓蒙成四篇以本圖書原卦畫明蓍策考變占為次又有蓍卦考誤揲蓍之法見於大傳郭雍為著卦辨疑三卷熹謂疏家小失其指而辨之者又大失焉說愈多而法愈亂因為考誤畢氏中和揲法視

疏義為詳論三揲皆掛一正合四營之義惟以三揲之掛扱分措於三指間為小誤然大數亦不差易本為卜筮而作其言皆依象數以斷吉凶今其法不傳諸儒言象數者皆穿鑿言義理者大汗漫故其書難讀此本義啟蒙所以作也 先天之學魏伯陽闡見其意陳搏始發其秘再傳為邵雍方圓圖皇極經世諸書朱震張行成朱文公蔡元定申其說郭忠恕李得李挺之卦
變論有得焉 李舜臣易本傳三十三篇述坎

離之從中起校震巽之偏而不中謂舍本卦而論
他卦為不然謂某卦從某卦來為妄復剛長而以
日云者幸其至之速臨陽消而以月云者幸其消
之遲 說卦天地定位山澤通氣雷風相薄水火
不相射八卦相錯邵子曰此伏羲八卦之位乾南
坤北離東坎西兌居東南震居東北巽居西南艮
居西北於是八卦相交而成六十四卦所謂先天之學
也帝出乎震齊乎巽相見乎離致役乎坤說言乎兌戰

乎乾勞乎坎成言乎艮邵子曰此卦位乃文王所定所謂後天之學也

古易五家

元豐五年汲郡呂大防始定周易古經分上經下經上彖下象上象下象繫辭上下各二篇文言說卦序卦雜卦各一篇凡十二篇靖國中嵩山晁說之亦注古文易并十二為八以卦爻象象文言繫辭說卦序卦各為一
篇睢陽王氏東萊呂氏亦各定為十二篇

呂祖謙更定
經二卷傳十

卷而音訓則門人王莘叟所筆受也祖
謙因晁氏書參考傳記復定為十二卷其後九江周燔

又自改更次序與諸家之說不類故言古易者為五家

吳仁傑集為一卷仁傑亦分為十二篇 洪興祖謂漢

以來諸儒所傳各有師承唐陸德明著音義兼存別本

諸儒各以所見去取今以一行所纂古子夏傳為正而

以諸書附著其下為易古經考異釋疑一卷續書
目 朱

震曰今易乾卦自乾至用九即古易之本文 晉汲郡

竹書有周易上下經二卷 朱子曰易有象然後有辭

筮有變然後有占

漢揚雄太玄

本傳雄草太玄雄以為經莫大於易作太玄傳莫大於論語作法言太玄五千文

說十餘萬言雄大潭思渾天參摹而四分之極於八十
一旁則三摹九據極之七百二十九贊觀易者見卦而
名之觀玄者數畫而定之玄首四重者非卦也數也其
用自天元推一畫一夜陰陽數度律歷之紀九九大運
與天終始故玄三方九州二十七部八十一家二百四十

三表七百二十九贊分為三卷曰一二三與泰初厯相應亦有顓頊之厯焉挫之以三策注三三而分之關之以休咎

繩之以象類播之以人事文之以五行擬之以道德仁義禮智無主無名要合五經苟非其事文不虛生為其曼漶不可知故有首衝錯測攤瑩數文規圖告十一篇

以解剥爻體離散其文章句尚不存焉或嘲以尚白作解嘲有難爻太深作解難桓譚謂雄書必傳侯芭受其

太玄

穆氏本自玄首已下至亥告凡十一篇並漢宋衷解詁吳陸續釋而正之為述玄並依舊本分贊辭為

三卷一方為上二方為中三方為下次列首衝錯測攤
瑩數文覩圖告十一篇晉范望叔明始合為十卷為之
解以玄首一篇加經贊之上玄測一篇附逐贊之末餘
自玄衝已下至玄告九篇列為四卷三家義訓互有得
失虞翻以宋氏解玄頗有緣錯更

失立注

并著明揚釋宋以理其滯

法言或曰玄何

為曰為仁義勿離也

童鳥九齡而與我玄文

藝文志儒家揚雄

所序三十八篇太玄十九張衡傳常耽好玄經謂崔
瑗曰吾觀太玄方知子雲妙極道數乃與五經相擬非
徒傳記之屬使人難論陰陽之事漢家得天下二百歲
之書也復二百歲殆將終乎所以作者之數必顯一世

常然之符也漢四百歲立其興矣注桓譚新論曰揚雄

作玄書以為玄者天也道也言聖賢制法作事皆引天

道以為本統而因附續萬類王政人事法度故宓羲氏

謂之易老子謂之道孔子謂之元而揚子謂之玄

子雲止云

太玄經非其自稱 太玄經三篇以紀天地人之道立三體有上

中下如禹貢之陳三品三三而九因以九九八十一故

為八十一卦以四為數數從一至四重累變易竟八十

一而徧不可損益以三十五著揲之玄經五千餘言而

傳十二篇

選注引張衡玄圖曰玄者無形之類自然之根作於太始莫與為先又引揚雄太玄賦

蜀志李譔著太玄指歸 魏志王肅從宋衷讀太玄更為之解 吳志陸凱好太玄論演其意以筮輒驗

隋志十卷蔡文邵注十四卷虞翻注十三卷陸凱注七

卷王肅注九卷宋衷注

梁有九卷揚雄自作章句亡

唐志陸續注

十二卷虞翻注十四卷范望注十二卷

范望贊曰桓譚謂之絕倫張衡

以擬五經非諸子之疇也 宋衷陸續各以淵通之才窮核道真為十篇解釋

宋仲孚子一作注

十二卷蔡文邵注十卷唐王涯為說玄五篇一卷又注

六卷員倅太玄幽贊十卷

開元四年京兆童子員倅進太玄幽贊十卷紫微省

召試賦
頌及第

書目許洞演玄十卷其說分三紀二體上

紀甲首丙尾日月迭居以辨數中紀丙首戊尾男女異政以辨位下紀庚首癸尾山川冲氣以辨德二體曰範曰緯章譽太玄圖一卷慶歷中撰又發隱一卷始序雄出處本末著玄之意中陳準易造玄之法末論玄之妙以適變通司馬光集漢宋衷解詁吳陸續釋文晉范望解贊唐王涯注經及首測皇朝宋惟幹

注解陳漸演玄吳秘音義凡七家又時出已意為集
注六卷晁說之以光太玄歷邵雍玄圖合而譜之為
易玄星紀譜二卷陳漸演玄七卷有玄統述策紀鑄
鍵畧各一篇彈誤二篇玄圖一篇玄籍一篇字摹十
六篇張行成翼玄十二篇行成曰太玄義取於連
山元包義取於歸藏李

沂集解義訣十卷集宋陸范王并撰攝法占法又為
圖并雜說總十五篇徐庸玄蹟一卷僧全瑩太玄畧例一
卷 國史志徐庸注太玄經十二卷張齊太玄正義統

論一卷釋文玄說二卷宋咸音一卷師望玄鑒十卷陳漸演玄七卷本十卷其間多言星歷自焚三卷前世多詆太玄自王涯著說發明淵奧其學遂盛 晁氏志宋惟幹太玄解十卷惟幹得太玄古本于昭應咸平中知滑臺取宋陸范三家訓解別為之注仍作太玄宗旨兩篇附于後其學蓋師田告司馬公所謂小宋者也

景德元年

五月庚子直昭文館宋惟幹上
新注十卷付史館幹一作翰

徐庸注太玄經解十卷

慶歷

閻章答太玄經注十四卷疏三十卷

皇祐五年閏七月二十五日章答上

太玄經發隱三篇章嘗一作張營
太玄經解十卷并
發隱三卷釋文一卷嘉祐中成都守蔣堂獻其書詔獎

之陳漸演玄十卷凡十四篇

漸傳著書十五篇號演玄奏之漸謂法言

解嘲止云太玄然則經非其自稱弟子侯芭之徒尊之

耳

集注陳氏曰經非子雲
自稱侯芭之徒尊之耳

張揆太玄淵旨一卷

皇祐四年九月
揆修寫太玄經

郭元亨太玄經疏十八卷元亨自淳化
末迄祥符八年撰成又云太玄潤色於君平未知何所

據吳陸續述玄曰雄建立玄經與聖人同趣雖周公

繇大易孔子修春秋不能是過唐王涯說玄五篇明

宗立例揲法占法辨首說玄曰八十一首擬乎卦九贊之位類夫交易以八八為數其卦六十有四玄以九九為數其首八十有一易之占以變玄之筮以逢數有陰陽而時有晝夜首有經緯而占有旦夕參而得之謂之逢四位成列性在其中矣九虛旁通情在其中矣之次
四位

曰方州
部家

以一生二
方以三生九
州以九生二十七
部以

二十七生八十一
一家三相生玄之數也一首九贊故有七百二十九贊其外踦羸二贊以備一儀之月數玄之

首也始於中中之始也在乎一一之所配自天元甲子

朔旦冬至推一晝一夜終而復始天元二十七首中至

事地元二十七首更至昆人元二十七首減至養

禹元以宋

陸諸家章句失雜旨獨王涯稍近作釋文一篇

司馬光讀爻曰爻以贊易易

天也爻為之階 說爻曰易與太玄大抵道同而法異

易畫有二曰陽曰陰爻畫有三曰一曰二曰三易有六

位玄有四重

方州部家傳謂參摹而四分之極於八十一易以八卦相重為六

十四卦玄以一二三錯於方州部家為八十一首易每

卦有六爻合為三百八十四爻，每首有九贊合為七

百二十九贊皆當朞之日

易卦起於中孚除震離坎兌
四正卦二十四爻主二十四氣

外其餘六十卦每卦六日七分，凡得三百六十五日。四分日之一，中孚初九冬至之初也。順上九大雪之末也。周而復始，立七百二十九贊，每二贊合為一日。一贊為晝，一贊為夜。凡得三百六十四日半，益以踦羸二贊，成三百六十五日。四分日之一，中初一冬至之初也。踦羸二贊，大雪之末也。亦周而復始。

易有元

亨利貞，玄有罔直。蒙首冥易大衍之數五十，其用四十有九。玄天地之數各十，有八合為三十六。乘地則虛三，用三十三。策易揲之以四，玄揲之以三。易有七九八六。

謂之四象爻有一二三謂之三摹易有象爻有首易有文爻有贊易有象爻有測易有文言爻有文易有繫辭爻有攤瑩說圖告易有說卦爻有數易有序卦爻有衝易有雜卦爻有錯殊塗而同歸百慮而一致皆本於太极兩儀三才四時五行而歸於道德仁義禮也 邵雍觀物外篇曰洛下閑改顓頊歷為太初厯子雲準太初而作太玄凡八十一卦九分共二卦凡一五隔一四細分之則四分半當一卦氣起於中心故首中卦揚雄作主可謂

見天地之心 又準易圖序曰玄之於易猶地之於天也 朱

震準易圖曰太玄之作與太初相應

十一月甲子夜半朔冬至

而兼

該顙頷之歷

首十月

發明連山之旨

首良

以準周易為八十

一卦凡九分共一卦一五隔一四細分之則四分半當

一日準六十卦一日卦六日七分也中中孚也律歷之

元始於冬至卦氣起於中孚其書本於夏連山首艮蹄

羸二贊有其辭而無其卦而附之於養者以閏為虛也

蘇洵論曰太玄之策三十有六虛三而三十有三用

焉求易之過也欲去其蹄與羸加其首之一分損其著
之三策又總例曰雄好竒務深始之以十八策中之以三十六終之
以七十二積之以二萬六千二百四十四

唐仲友曰雄最知大衍數

者故玄數曰三八為木四九為金二七為火一六
為水五五為土玄圖曰一與六共宗二與七共朋
三與八成友四與九同道五與五相守不言五十
為土五與十相守者知藏五之為大衍也 蕭該

漢書音義衝作衡又案別錄告下有玄問一篇合十

二篇今脫一篇嘉祐二年十一月己亥二十七日吳祕上注

太玄及音義 紹興十三年八月二十三日王鉉上太

玄經解義

晉通玄經

王長文傳著書四卷擬易名曰通玄經有文言卦象可用卜筮時人比之太玄同郡馬秀曰揚雄作太玄惟桓譚以為必傳後世晚遭陸續玄道遂明長文通玄經未遭陸續君山耳 隋志梁有通經二卷晉王長元撰揚

子太玄經十四卷晉揚泉撰家

儒

潛虛

司馬光著潛虛一卷曰氣曰體曰性曰名曰行曰命以
凶吉臧否平為所遇之占玄以準易虛以擬玄萬物皆
祖於虛易之卦始於太極玄之首始於一元虛之行始
於五行易之卦兼河洛之數玄之首得河圖之九數虛
之行得洛書之十數句皆協韻如易彖爻象玄首贊測
易曰卦玄曰首虛曰名卦有爻首有贊名有變二體四

位十等之象八物五行與生成之數乾中爻之所以始
一三五之所以虛與揲法占法若異實同光又為易說
三卷注繫辭二卷朱熹以范仲淹別本補潛虛之闕張
行成為潛虛衍義十六卷章分句析後截行成所續不
韻 晁氏志以五行為本五五相乘為二十五兩之得
五十首有氣體性名行變解七圖然其辭有闕者蓋未
成也 太玄潛虛或以四十五變八十一或以五十五
變一百 揚氏之太玄八十一首關氏之洞極二十七

象司馬氏之潛虛五十五行

太玄準易圖 太玄集解

邵雍太玄準易圖序夫玄之於易猶地之於天也天主太極而地總元氣元氣轉而為三統在玄則謂之三元三元轉而為九州九州轉而為二十七部二十七部轉而為八十一首首有九贊贊分晝夜而剏柔之用見矣故玄之贊七百二十九而有竒以應三百六旬有六日之度蓋本出乎元氣而作者也太極生兩儀兩儀生四

象四象生八卦八卦因而重之為六十四故易有乾坎
艮震巽離坤兑八卦以司八節又以坎離震兑四正之
卦二十四爻以司二十四氣以復臨泰大壯夬乾姤遯
否觀剥坤十有二卦以司七十二候節也氣也候也既各
有統矣然周天之度未見其所司也於是又去四正之
卦分取六十卦引而伸之為三百六十爻各司其日則
周天三百六十度而寒暑進退之道陰陽之運備矣蓋
本乎太極而作者也由是觀之則天地各有生成之數

而相為表裏之用故天數西行上承而左轉者在地之元氣也地數東行下順而右運者在天之太極也太極運三辰五星於上元氣轉三統五行於下此所謂成變化而行鬼神者也所謂爻之於易猶地之於天者如斯而已準而作之不亦宜乎若夫分天度列次舍序氣候明卦爻冠首贊位列八重先以夜贊布諸外然後晝贊首位爻象候卦氣卦宮分度數次諸內復會於辰極而爻易顯仁藏用之道循乎數者可見矣是故始於上元


甲子天正朔旦日躔牛宿之初後四千六百一十七年復會於太初之上元者元之贊也自上元甲寅青龍之首氣起未濟之九四後三萬一千九百二十年復會於太極之上元者易之爻也原始要終究其所窮則體用雖殊其歸一而已矣 晦說之易亥星紀譜後序曰子雲初為文王易而作亥始託基於高辛及太初二厯此二厯之斗分強弱不可下通於今亦無足議溫公又本諸太初厯而作亥厯康節先生亥圖布星辰辨氣候分

晝夜而易玄相參於中乃朝筭夜思取歷與圖合而譜之於是知子雲以首準卦非出於其私意蓋有星候為之機括 張揆傳上所著太玄集解數萬言召對邇英閣令揲蓍得斷首且言準易之夬蓋以陽剛決陰柔君子進小人退之象仁宗悅擢天章閣待制兼侍讀慶歷七年十月集賢修撰張揆召見延和殿壬寅朔以為待制 有未畫之易易之理有既

畫之易易之書 易起數以定畫因畫以生辭因辭以明象因象以盡意 奇耦七八也爻重九六也卦畫

七八不易也爻畫九六變易也卦雖不易而中有變易
是之謂亨爻雖變易而中有不易是之謂正 易之為
書辭變象占乃其綱領而繇彖爻象之辭畫爻位虛之
別互反飛伏之說乘承比應之例一不知則義理闕焉
世之學易者卑入於象數高入於名理 五鹿充宗
與諸儒講而朱雲折之何晏不了九事而伏曼容輕之
王弼訓注于六爻變化五氣相推多所擴畧而孫盛短
之周弘正於講席辨析名理而張譏屈之蓋其旨難明

如此



玉海卷三十六

欽定四庫全書

子部

玉海卷三十八

詳校官給事中臣查善長

主事臣祁韻士覆勘

總校官進士臣朱鈴

校對官中書臣徐秉敬

謄錄監生臣任穎

欽定四庫全書

玉海卷三十七

宋 王應麟 撰

藝文

書

隋經籍志書之所興蓋與文字俱起孔子觀書周室得虞夏商周四代之典刪其善者上自虞下至周為百篇編而序之遭秦滅學至漢惟濟南伏生口傳二

十八篇又河南女子得泰誓一篇獻之伏生作尚書傳四十一篇以授同郡張生張生授于乘歐陽生歐陽生授同郡兒寬寬授歐陽生之子世世傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝為大夏侯之學勝傳從子建別為小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其末孫惠所藏之書

字皆古文孔安國以今文校之得二十五篇其泰誓
與河內女子所獻不同又濟南伏生所誦有五篇相
合安國並依古文開其篇第以隸古字寫之合成五
十八篇其餘篇簡錯亂不可復讀並送之官府安國又
為五十八篇作傳會巫蠱事起不得奏上私傳其業
於都尉朝朝授膠東庸生謂之尚書古文之學而未
得立後漢扶風杜林傳古文尚書同郡賈逵為之作
訓馬融作傳鄭玄亦為之注然其所傳惟二十九篇

又雜以今文非孔舊本自餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳惟劉向父子所著五行傳是其本法而又多乖戾至東晉豫章內史梅臘始得安國之傳奏之時又闕舜典一篇齊建武中吳姚興方於大衍市得其書奏上比馬鄭所注多二十八字於是始列國學梁陳所講有孔鄭二家齊代惟傳鄭義至隋孔鄭並行而鄭氏甚微自餘所存

無復師說又有尚書逸篇出於齊梁之間考其篇目似孔壁中書之殘缺者故附尚書之末

三皇五帝書 古三墳

禮外史掌三皇五帝之書注楚靈王所謂三墳五典疏按孝經緯三皇無文有文字之後仰錄三皇時事昭十二年左史倚相能讀墳典三墳三皇時書五典五帝之常典延叔堅馬季長等說不同惟孔安國尚書序解與鄭同書序三墳言大道五典言常道春秋正義賈

遠云三墳三王一作皇之書五典五帝之典延篤言張平

子說三墳三禮禮為人防天地人五典五帝之常道馬

禮

人

融說三墳三氣陰陽始生天地人之氣也五典五行也

諸家各以意言

杜注云皆古書名

史記太史公曰尚書獨載

堯以來而百家言黃帝其文不雅馴

中興書目三墳之

目見於孔序漢志不載元豐中七年

毛漸奉使京西得之

其書以山氣形為別山墳謂之連山氣墳歸藏形墳坤

乾與先儒言三易異其中有姓紀一篇皇策一篇政典

二篇合為三卷皆依託也序曰三墳各有傳墳乃古文
傳乃隸書涓征引政典今政典之文頗與書合 史通
諸子廣造奇說其語不經其書非聖故馬遷有言神農
已前吾不知矣班固亦曰顓頊之事未可明也 程子
曰如許行為神農之言及陰陽醫方稱黃帝之說

帝典

大學帝典曰克明峻德注堯典

虞書 舜道經

說文虞書曰仁閔覆下則稱旻天 荀子解蔽篇舜之治天下不以事詔而萬物成故道經曰人心之危道心之微注今虞書有此語而云道經蓋有道之經也

夏書

左傳賦納以言明試以功戒之用休云云勿使壞念茲在茲成允成功寧失不經官占惟能蔽志皆以為夏書沈潛剛克高明柔克無偏無黨三人占從二人皆以為商

書夏書多帥彼天常
一句又字小異

晉語夏書曰怨豈在明今有書

正義左傳莊八年夏書曰臯陶邁種德僖二十四年

夏書曰地平天成二十七年夏書曰賦納以言襄二十六年夏書曰寧失不經皆在大禹臯陶謨當云虞書而云夏書者以事關禹故引為夏書若洪範以為周書以箕子至周云商書也

商人所陳而傳引之即曰商書也

周語夏書有之衆非元后何戴書曰民可近也而不可上也注逸書在湯誓

曰余人有臯無以萬夫萬夫有臯在余一人注今湯誓無此言

按湯誥有夫作方

禹雒書本文 綠字 九章

洪範天錫禹洪範九疇注天與禹洛出書神龜負文而出列於背有數至于九禹遂因而第之以成九類

以五行為

始正義云有數從一而至于九正義漢書謂為九章劉歆以為禹治

洪水錫洛書法而陳之洪範是也龜負洛書經無其事

中候及諸緯多說黃帝堯舜禹湯文武受圖書之事皆

云龍負圖龜負書緯候之書不知誰作通人討覈謂偽

起哀平五行志云凡此六十五字皆雒書本文初一曰

等二十七字必是禹加之敬用農用等十八字大劉顧

氏以為龜背先有摠三十八字小劉以為敬用等亦禹所第叙其龜文惟有二十字未知孰是

皇極稽疑庶徵不言數

漢五行志箕子在父師位而典之武王虛己問焉初一至次九凡此六十五字皆雒書本文所謂大法九章

大戴禮明堂篇二九四七五三六一八鄭氏注云法龜文也漢人固以九數為洛書隋志洛書六篇晉志

大禹觀濁河而受綠字寰瀛之內可得而言

綠字非洛出也

宋志黃帝龜書出洛堯沈璧于洛玄龜負書湯東至洛

有黑龜赤文成字成王禮洛玄龜背甲刻書赤文成字
東京賦龜書界姒 淮南子至德之世洛出丹書

白虎通德至淵泉則洛出龜書 爾雅注河圖曰靈龜

負書丹甲青文 文選注雒書曰秦失金鏡魚目入珠

中候曰玄龜負圖出洛周公援筆以寫光武禪文
引雒書 劉

牧曰易曰天地之數五十有五即洛書自然之數 朱

文公曰洛書本文四十五點蓋取龜象凡數自一至五
五在中自九至五五亦在中戴九履一左三右七五亦

在中 關子明曰洛書之文九前一後三左七右四前
左二前右八後左六後右 黃度曰一九二八三七四
六分據八方而五居中

商書

墨子經五夏書曰禹七年水殷書曰湯五年旱呂氏
春秋夏書曰天子之德廣運乃神乃武乃文注逸書也商書
曰五世之廟可以觀怪萬夫之長可以生謀注逸書商書
曰刑三百罪莫重於不孝周書曰若臨深淵若履薄冰

注周書周文公所作

說文商書相時憇民記兌命曰民立而

正事純而祭祀是為不敬敬孫務時敏尹吉曰吉當作告惟

尹躬及湯自周有終孟子伊訓曰天誅造攻自牧宮

荀子臣道篇書曰從命而不拂微諫而不倦為上則明為下則遜注書伊訓今無漢書伊訓篇曰誕資有牧方明

周書

左傳成十六年范文子戒晉侯周書曰惟命不于常康注有語今襄二十五年衛大叔儀言書曰慎始而敬終終

以不困

注逸書

昭六年叔向言書曰聖作則

注逸書

二十

年苑何忌云康誥曰父子兄弟罪不相及

注周書康誥今無

傳引周書惟德是輔乃大明服庸庸祇祇明德慎罰不

敢侮鰥寡大國畏其力惠不惠茂不茂

皆今有

國語周

書所謂重黎實使天地不通周書曰文王至於日中昊

不皇暇食惠于小民惟政之恭周書有之曰怨不在大

今有孟子康誥凡民罔不憯泰誓曰無畏寧爾也惟曰

其助上帝記甫刑曰苗民匪用命君雅曰夏日暑雨

君奭曰昔在上帝周田觀文王之德 緇衣注古文為割申勸寧王之德今博士讀為厥亂勸寧王之德三者皆異古文似近之 吕氏春秋周書曰允哉允哉注逸書

說苑周書曰前車覆後車戒 文選注周書曰乃辨九服之國又曰湯歸於毫三千諸侯大會武王將渡河中流白魚入王舟會武王於郊下者八百諸侯

周書 周史記 周記 青史氏記 周百二

十國寶書

漢志周書七十一篇注周史記師古曰劉向云周時誥

誓號令也蓋孔子所論百篇之餘今所存者四十五篇

隋志雜史周書十卷

雜史七十二部周書十卷為之首

汲冢書似仲

尼刪書之餘唐志雜史汲冢周書十卷孔晁注周書

八卷

崇文目同

史通周書與尚書相類即孔氏刊約百篇

之外凡為七十一章上自文武下終靈景其有典雅高

義亦有淺末常說殆似後之好事者所增益也

書多駁辭宜孔

子所不取抑戰國處士私相讒以周為名孔子亦未必見

至若職方之言與周官

無異時訓之說比月令多同斯百王之正書五經之別
錄史通引周書殷祝篇今按汲冢周書十卷晉五經博士孔晁

注凡七十篇始於度訓終於器服序在卷末其畧曰昔

在文王商紂並立困於虐政將弘道以弼無道作度訓

車服制度民不苟踰作器服周道於焉大備孔晁注或稱十卷或

參八隋唐志皆云此書得之晉太康中汲郡魏安釐王

家武帝紀咸寧五年十月得竹簡古書然劉向班固所錄並著周書七十

一篇且謂孔子刪削之餘而司馬遷史記武王克殷事

與此合

周紀武王登豳阜望洛邑徐廣曰出周書

鄭玄注周禮行人云周書

王會備焉注儀禮鄉射云周書曰比唐以閭說文引逸

周書大贊若翬雉豈漢世已入中秘其後稍隱耶篇目

比漢但闕其一必班劉司馬鄭許所見繫之汲冢失其

本矣時訓明堂記禮者所采錄克殷度邑遷史所援據

杜氏左傳注引千里百縣疏云周書存者其文非尚書之類

左傳疏引

周書謚法

周公謚法一卷即此書第五十四篇也

晉狼瞫曰周志有之勇

則害上不登於明堂注周書也其語今見篇中漢小說

家虞初周說應劭謂以周書為本說文爾雅注引逸周書楊賜修德修政之言馮衍傳注小開篇司馬相如傳注王李宅程唐大衍歷議維元祀二月丙辰朔武王訪于周公又竹書十一年庚寅周始伐商文選注周史梓闐之夢皆是書也楚世家欲起無先蘇秦說魏歸綿不絕蔓蔓秦何墨子國無三年之食非其國蒙恬傳必參而五之王商傳以左道事君者誅史貨殖傳農不出則乏食工不出則乏事商不出則三寶絕大戴保傳篇注

習之為常皆曰周書淮南汜論訓周書曰上言者常下
言者權注以為周史之書蕭何云天子不取反受其咎
顏氏注周書本與尚書同類蓋孔子所刪百篇之外劉
向所奏有七十一篇主父偃云安危在出令存亡在所
用注以為本尚書之餘陳湯傳谷永云記功忘過宜為
君注以為尚書之外周書今書有無其語者豈在逸篇乎

文選注引古文周書穆王事

書正義引汲冢古文云盤庚自奄遷于殷

書正義漢張霸

云孔子求書得黃帝玄孫帝魁之書迄於秦穆公凡三千二百四十篇斷遠取近定可為世法者百二十篇以百二篇為尚書十八篇為中候去三百一一百二十篇

公羊疏公羊以為哀公十四年獲麟之後孔子得端門之命乃作春秋按閔因叙云昔孔子受端門之命制春秋之義使子夏等十四人求周史記得百二十國寶書九月經立感精符考異郵說題辭具有其文如楚之書鄭之志魯之春秋魏之紀年此其可言者又引解疑論
云云詳見

古史

墨子吾見百國春秋周公朝讀書百篇 左傳哀

三年南宮敬叔命周人出御書注周人司周書典籍之

官 史記周紀周太史伯陽讀史記曰云云正義諸國皆

有史以記事 十二諸侯表太史公讀春秋歷譜牒至

周厲王云云孔子西觀周室論史記舊聞興於魯而次

春秋左丘明因孔子史記具論其語 六國表秦燒詩

書諸侯史記尤甚為其有所刺譏也詩書復見者多藏

人家而史記獨藏周室以故滅惜哉獨有秦記不載日

月其文畧不具陳氏曰古者諸侯無私史有邦國之志書晉人所謂辛有之二子董之於是有董史是也小史掌之而藏周室魯人所謂周人御

董史之記曰唐叔之世將如商數嗣續其祖如穀之滋

復陳韓非子周記曰無尊大臣以擬其主國語晉

瞽史之記曰唐叔之世將如商數嗣續其祖如穀之滋

西方之書有之曰懷與安寶疚大事注西方謂周也

大戴禮保傅篇青史氏之記曰古者胎教漢志小說

家青史子五十七篇古史官記事也風俗通義引青史子書隋

志梁有青史子一卷文心雕龍青史曲緻於街談

莊子孔子西藏書於周室又金板六弢釋文皆周書篇

名蘇秦讀周書陰符

左傳注轡之柔矣逸詩見周書疏彼引

詩云馬之剛矣轡之柔矣馬亦不剛轡亦不柔志氣麤
廉取與不疑其書今在文非尚書之類 左傳正義沈
氏云嚴氏春秋引觀周篇云孔子將修春秋與左丘明
乘如周觀書於周史歸而修春秋之經丘明為傳共為
表裏 蜀志秦宓曰書非史記周圖仲尼不采

漢九家書 三家經文

藝文志書九家四百一十二篇入劉向稽疑一篇

注七
畧之

外班氏
新入古文經四十六卷

孔安國作傳疏
云同序者同卷

經二十九卷

大小夏侯二家歐陽經三十二卷

即伏生

師古曰二十九卷伏

生傳授者疏云秦誓

非伏生
所傳傳四十一篇

即伏生

師古曰二十九卷伏

生傳授者疏云秦誓

夏侯章句各二十九卷大小夏侯解詁二十九篇歐陽說義二篇劉向五行傳記十一卷許商五行傳記一篇

周書七十一篇議奏四十二篇

石渠論

孔子墓凡百篇而

為序言作意秦燔書濟南伏生

勝獨壁藏之漢興亡失

得二十九篇古文出孔壁多十六篇劉向以中古文校

歐陽大小夏侯三家經文酒誥脫簡一召誥脫簡二文

字異者七百有餘脫字數十

劉歆曰孝文始使鼂錯從伏生受尚書秦誓後得博

士集而讀之俄空馬今亡失

揚子曰昔之說書者序以百酒誥之篇漢儒未嘗見古文仲舒魚鳥劉歆丙

牛遷師之言皆與古文不同為尹告君雅司馬遷以盤庚為帝辛時文侯之命為重耳鄭玄以隋征為臣名旅獒為酋豪夏侯以嵎夷為鯁鍊唐虞官百鄭云官六十劉歆引伊訓誕資有牧方訓

漢書曰自古書契之作而有史官其載籍博矣至孔氏
墓之上繼唐堯下訖秦穆唐虞以前雖有遺文其語不

經故言黃帝顓帝之事未可明也

漢古文尚書

藝文志尚書古文經四十六卷為五十七篇

注師古曰孔安國書

序云凡五十九篇為四十六卷承詔作傳引序各冠篇首定五十八篇鄭玄叙贊云後又亡其一篇故五十七

隋志孔惠所藏家語孔安

騰漢記尹敏傳孔鮒藏孔安

騰漢記尹敏傳孔鮒藏孔安

古文出孔子壁中皆古字也

國孔子後_{十一世孫}悉得其書攷二十九篇得多十六篇獻之遭巫蠱事未列于學官儒林傳孔氏有古文尚書安國以今文字讀之逸書得十餘篇遭巫蠱未立學官

安國授都尉朝司馬遷亦從安國問故遷書載堯典禹

貢洪範微子金縢諸篇多古文說朝授膠東庸生生授

胡常五十九篇其一是百篇之序伏生所出為今文世所傳百兩篇出東萊

張霸分析合二十九篇為數十采左氏傳書叙為作首

尾凡百二篇文意淺陋成帝時以中書校之非是注中子所藏

黜其書隋志古文尚書十三卷唐志崇文目同馬融

注十一卷鄭玄注九卷唐志同王肅注十一卷唐志十卷晉范

寧注古文舜典一卷唐志任孝恭古文大義二十卷顧彪音義五卷杜林傳古

文賈逵作訓馬融作傳鄭玄為注然其所傳惟二十九篇雜今文非孔舊本晉世祕府所存有古文尚書經文今無傳者 正義安國傳不行張霸之徒偽作舜典汨作九共大禹謨益稷五子之歌屑征湯誥咸有一德典寶伊訓肆命原命武成旅獒問命二十四篇除九共九篇共卷為十六卷故以伏生二十八篇分出舜典益稷盤庚二篇康王之誥及泰誓三篇為三十四篇合於孔氏五十八篇四十六卷之數志云古文又多十六篇篇

即卷也即是偽書二十四篇不見孔傳劉向班固劉歆

賈逵馬融皆不見真古文而誤以此為古文

馬鄭諸儒莫覩其學

見於經典者諸儒皆謂逸書

鄭玄亦不見之

鄭注書仲虺之誥太甲說命等見在而云亡其

汨作典寶等十三篇見亡而云逸

鄭序以為虞夏書二十篇商書四十篇周書四十篇贊云三科之條五家

之教是虞夏同科也百篇次第孔鄭不同孔依壁內篇次及序為文鄭依賈氏所奏別錄為次鄭注禮記遇引

今尚書所有之文皆曰逸書桓譚新論云古文尚書舊有四十五卷

服虔杜預皆不之見

注左傳亂其紀綱云夏桀時杜又注左傳成光成功念茲在茲寧失不經辰不集于房官占唯能蔽志惟彼陶唐怨不在明皇天無親民之所欲大國畏其力官師相

規趙岐注孟子天降下民作之君作之師縗厥士女湯相

一征自葛始玉顯玉承韋昭注國語衆非元后何戴闢
石和鈞皆以為逸書孟子引太誓曰我武惟揚趙岐謂
古尚書百二篇之時太誓也按伏生所傳三十四篇謂之今文則夏

侯勝夏侯建歐陽和伯三家所傳及蔡邕所勒石經是
也孔所傳者庸生劉歆賈逵馬融等所傳是也劉歆賈
逵馬融等並傳孔學云十六篇逸與安國不同者良由
孔注之後其書散逸傳注不行庸生賈馬等惟傳孔學
經文三十三篇鄭與三家同題曰古文尚書篇與夏侯
等同而經字多異晉王肅注書始似竊見孔傳注亂其紀綱為

夏太康時

晉皇甫謐得其書載於世紀鄭冲得而傳之授蘇

愉愉授梁柳柳即謐之外弟也授臧曹曹授梅曠一作頤

奏上其書

元帝時亡舜典一篇自乃命以位以上二十八字世所不傳乃取王肅注

堯典慎徽五典以下為舜典一篇續之晉末范寧為解時已不得焉至齊

建武四年姚方興於大航頭得而獻之事亦隨寢

釋文若稽

古以下十二字是姚方興上孔氏傳本無或更有濡哲以下凡二十八字異

至隋開皇二年

慕遺典乃得其篇

自漢武至隋開皇凡六百七十餘年然後五十八篇傳學者

正義

又曰史記及儒林傳云伏生獨得二十九篇以教齊魯

則今之泰誓非初伏生所得鄭玄書論云民間得泰誓
別錄曰武帝末得於壁內獻之與博士使讀說之數月
皆起傳以教人房宏等說云宣帝元年河內女子有壞
老人屋得古文泰誓三篇今史漢書皆云伏生則司馬
遷時已得泰誓以并歸於伏生不得云宣帝時始出也
書是本名尚是伏生所加伏生本二十八篇盤庚出二篇加舜典益
稷康王之誥凡五篇為十三篇加所增二十五篇為
五十八加序一篇為五十九為例有十曰典謨貢歌誓

誥訓命征範孔依璧內篇次及序為文鄭依賈氏所奏
別錄為次百篇次第孔鄭不同

孔傳三十三篇與鄭注同二十五

篇增多鄭注

畢命正義漢初不得此篇有偽作其書

以代之者漢律歷志云康王十二年六月戊辰朔三日

庚午故畢命豐刑曰惟十有二年六月庚午朏王命作

策書豐刑此偽作者不知豐刑之言何所道也鄭康成

曰今其逸篇有冊命霍侯之事不同與此序相應非也

康成所見又似異於豐刑皆妄作也

君奭正義鄭玄

不見周官之篇言此師保為周禮師氏保氏大夫之職
言賢聖兼此官

無逸疏鄭玄云祖甲帝甲也盤庚疏束
哲云尚書序將治毫殷孔子壁中尚書

云將始宅殷豈與古文不同也
哲不見壁內之書妄為說耳

春秋正義今尚書太

誓謂漢魏諸儒馬融鄭玄王肅等所注者漢初尚書唯

得二十八篇故大常孔臧與孔安國書云二十八篇前
世以為放二十八宿不知有百篇也後又得偽太誓一

篇通為二十九篇漢魏未立於學官馬融尚書傳序云

太誓後得按其文似若淺露書傳所引太誓不在太誓

者甚衆畧舉五事以明之

春秋國語孟子孫卿禮記

王肅亦云太誓

近非本經杜氏在晉初亦未見真本元帝時梅頤始獻

安國所注古文其內有泰誓三篇記傳所引悉有之漢

魏諸儒不見古文因伏生之謬從堯典至周征凡二十

篇摠名曰虞夏書故傳通謂大禹謨以下皆為夏

書

竹書說伊尹之事與書序大乖杜不見古文唯以書序考正

按王肅注尚書

其言多是孔傳疑肅見古文匿之而不言也後

漢紀章帝建初八年十二月戊申詔選高才生受古

文安帝延光二年正月選三舍郎及吏人能通古文尚書毛詩穀梁春秋各一人 傳杜林博洽多聞時稱名儒河南鄭興東海衛宏等皆長於古學興嘗師劉歆林遇之訢然濟南徐巡始事宏後更受林學林前於西州得漆書古文尚書一卷寶愛之出示宏等曰林雖兵亂常恐斯經將絕何意二子復能傳之斯道竟不墮於地宏為作訓旨於是古文遂行林張敞外孫能
讀古字作訓詁 鄭玄從張恭祖受古文尚書以山東無足問者乃西入關事馬融

賈逵父徽受古文尚書於塗惲

風俗通曰塗姓塗氏之後惲字子貢學

尚書於胡常見前書

張楷通古文作尚書注

周磐學古文洪

範

盧植上書曰少從通儒馬融受古學願詣東觀專

心研精合尚書章句

劉祐學古文尚書

傳注

尹敏習歐

陽尚書後受古文

周防事益豫受古文尚書撰尚書

雜記

孔僖自安國以下世傳古文尚書

楊倫師事

丁鴻習古文尚書特徵博士

衛宏從杜林更受古文

尚書作訓旨

儒林傳師古注引衛宏定古文尚書序儒林傳有私行金貨定蘭臺漆書經字以

合私 吳志虞翻傳奏鄭玄解尚書違失事目古文篆卯字讀當為柳古柳卯同而以為昧分北三苗北古別字又訓北猶別也又云所注五經違義尤甚者六十七事不可不正

周禮注書曰度西

曰柳穀釋文云古文宅與度字相似

月令疏異義云今文尚書歐陽說古尚書說記緇衣注古

文周易觀文王之德為割申勸寧王之德今博士

讀為厥亂勸寧王之德三者皆異古文似近之

詩

鹿鳴箋書曰鼂厥玄黃疏鄭禹貢注引涓征曰鼂厥玄

黃鄭不見古文而引張霸尚書

詩箋又引書曰天將有立父母民之有政有居

今泰誓文 詩疏洪範稽疑論卜兆有五曰圜注云圜者色

澤光明蓋古文作悌今文作圜賈逵以今文較之定以

為圜鄭依賈氏所奏 大明疏太誓曰師乃鼓譟前歌

後舞格于上天下地咸曰攷攷無怠疏又引太誓云司

馬在前王肅曰司馬太公也 商頌疏賈逵馬融說尚

書云 史記惟刑之靜哉注今文云惟刑之謐哉魯世

家作餽禾殷紀小辛立百姓思盤庚乃作盤庚三篇伯
禽作勝誓索隱按尚書大傳作鮮誓 索隱古文在治
忽今文作采政忽史記作來始滑平章百姓今文作辯
章春言東作夏言南為 漢郊祀志太誓曰正稽古立
功立事可以永年丕天之大律今文 後楊賜傳書曰天
齊乎人假我一日 劉愷傳尚書曰上刑挾輕下刑挾
重注與今尚書不同 水經注淇水又北逕頓丘縣故
城西古文尚書以為觀地 葉氏曰安國自以博考經

傳採摭羣言然孟子載伊訓造攻自牧宮不言鳴
條春秋傳述五子之歌衍率彼天常一句證康誥
父子兄弟罪不相及今文乃無有若荀卿引中歸
曰諸侯自為得師者王得友者霸引康誥曰惟文
王敬忌一人以擇其繆妄如此禮記以申勸寧王
之德為田觀文王以庶言同亡則繹字其乖悟如此

朱文公曰漢書引泰誓云立功立事疑即武帝世所得
者律歷志所引畢命伊訓字畫有與古文略同者疑即

伏生口傳而晁錯所屬讀者其引武成則伏生無此篇必張霸所偽作

漢尚書逸篇

記坊記注今泰誓無此章正義鄭不見古文尚書漢時別有尚書逸篇四月太子發上祭於畢以下三篇之事隋志徐邈撰古文尚書音一卷尚書亡篇序一卷梁五經博士劉叔嗣注尚書逸篇二卷出於齊梁間考其篇目似孔氏璧中書之殘缺者故附尚書之末 唐志

徐邈注尚書逸篇三卷 書正義錯亂摩滅四十二篇

以不可復知亦上送官張霸之徒於鄭注之外偽造二

十四篇

劉向別錄云五十八篇藝文志云古文又多十六篇篇即卷也

即是偽書劉歆

三統歷論武王伐紂引今文泰誓云丙午逮師武成越

若來三月五日甲子咸劉商王受並不與孔同亦不見

孔傳也賈逵云流為烏與孔亦異

董仲舒對策引偽泰誓文是武帝時已得

之漢律歷志引武成篇云惟一月壬辰至祀於周廟與

此經不同彼是焚書之後有人偽為之漢世謂之逸書

其後又亡其篇鄭玄云武成逸書建武之際亡謂彼偽武成也

孟子注孟子時尚書凡百二十篇逸書有舜

典之叙亡失其文孟子諸所言舜事皆堯典及逸書所

載孟子注自常常以下皆尚書逸篇之辭

白虎通書逸篇曰厥兆天子

爵尚書亡篇曰太社唯松東社唯柏南社唯梓西社唯栗北社唯槐

北史劉芳傳尚書逸篇曰太社唯松

南史任昉得一篇缺簡劉顥曰是古文尚書所刪逸篇

昉檢周書果如其說左傳聖作則慎始而敬終終以

不困命以伯禽唐誥皆策命篇名 漢律志先其策命
注逸書 孔叢子維高宗報上甲微 益子不及貢以
政接于有庳 史記恃德者昌恃力者亡 說文引逸
周書 漢五行志注引逸周書 歷志引古文月采篇
畢命豐刑 荀傳有書逸嘉禾篇 趙岐杜預韋昭注
書凡見於二十五篇之內者皆謂逸書實未嘗逸也

漢尚書三家博士 尚書古文同異

藝文志歐陽章句三十卷大小夏侯章句各二十九

卷大小夏侯解故二十九篇歐陽說義二篇訖孝宣世
歐陽大小夏侯氏立於學官 後儒林傳前書伏生傳
尚書授歐陽大小夏侯氏三家皆立博士孔安國傳古
文未得立 前傳贊武帝立五經博士開弟子員百有
餘年傳業寢盛初書唯有歐陽至孝宣世復立大小夏
侯尚書平帝時又立古文

歐陽生字和伯千乘人事伏生授兒寬寬授生子世世
相傳至曾孫高為博士高孫地餘為博士論石渠至

歛八世博士 林尊事高為博士論石渠授平當陳

翁生

當以明經為博士

由是有平陳之學翁生授殷崇為博

士當授朱普為博士 桓榮受朱普學章句四十萬

言浮辭過實榮入授顯宗顯宗師事博士桓榮學通

尚書

世祖受尚書於許子威

減為二十三萬言子郁復刪省定

成十二萬言由是有桓君大小太常章句

榮世相傳授代作帝

師 建寧初詔太傅三公選通尚書桓君章句者三

公舉楊賜侍講華光殿 楊震受於桓郁 張酺事

榮 丁鴻從榮明章句善論難為都講 年長習歐

陽拜博士著錄萬人著尚書章句皆本之歐陽氏俗

號年氏章句 宋登教授數千人 尹敏初習歐陽

後受古文 張奐事朱寵學歐陽尚書初年氏章句

浮辭繁多注年卿受書於張堪為博士有四十五萬餘言奐減為

九萬言 杜喬治歐陽 徐稚學歐陽 鮑永習之

大夏侯都尉名從濟南張生書於伏生傳族子始昌始

昌傳勝勝又事簡卿門人寬兒勝從始昌又從歐陽氏問

為學精熟所問非一師宣帝時遷太子太傅受詔撰

尚書論語說賜黃金百斤

師古曰解說其意若今義疏也志論語魯夏侯說二

十一
篇

孔霸事勝為博士周堪事勝論石渠經最高

堪授牟卿為博士及許商霸子光亦事牟卿由是有

孔許之學商門人炔欽為博士宋憲父京張子雋

賈逵以大夏侯教授牟融習大夏侯吳良習大

夏侯學通師法經任博士

小夏侯勝傳從兄子建建師事勝又事歐陽高左右采獲

又從五經諸儒間與尚書相出入者牽引以次章句
具文飾說勝非之曰建所謂章句小儒破碎大道建
亦非勝為學疎畧難以應敵建卒自顥門名經 張
山拊事建為博士論石渠授李尋鄭寬中張無故秦
恭君近假倉無故善脩章句恭增師法至百萬言倉論
石渠寬中以博士授太子由是有鄭張秦假李氏之
學恭授馮賓為博士 蘦文志說五字之文至於二
三萬言注桓譚新論云秦近君能說堯典篇目兩字

之說至十餘萬言但說曰若稽古三萬言 中興王
良習小夏侯

古文 周防薦補博士 楊倫特名博士 晉太興初
尚書鄭氏古文孔氏置博士

儒林傳兒寬又受業孔安國初見武帝語經學上曰吾
始以尚書樸學弗好及聞寬說可觀乃從寬問一篇歐
陽大小夏侯氏學皆出於寬 後賈逵傳肅宗好古文
尚書逵數為帝言古文與經傳爾雅詁訓相應詔令撰

歐陽大小夏侯尚書古文同異達集為三卷帝善之復令撰齊魯韓詩與毛氏異同并作周官解詁建初八年

乃詔諸儒各選高才生受古文尚書達著經傳義詁及

論難百餘萬言學者宗之

儒林傳扶風杜林傳古文同郡賈逵作訓馬融作傳鄭玄

注解由是
古文遂顯

輿服志永平二年乘輿服從歐陽氏說公

卿以下從大小夏侯氏說

元初六年以歐陽家說更六宗祠

隋志三

家並立而歐陽最盛晉永嘉之亂歐陽大小夏侯尚書

並亡

史記正義七錄云
至西晉並亡

書正義歐陽夏侯謂父族四

母族三妻族二

堯典
九族

歐陽大小夏侯說皆云在六

者之間助陰陽變化

舜典
六宗

詩正義異義九族今

禮載尚書歐陽說云九族乃異姓有親屬者父族

四母族三妻族二古尚書說上從高祖下至玄孫

凡九皆為同姓類上帝尚書夏侯歐陽說以事類

祭之就南郊

月令疏引異義云今文
歐陽說古尚書說云云

周禮疏夏

侯歐陽說其罰百率古文尚書說百錢 正義按

史記秦時焚書伏生壁藏之後求其書亡數十篇

獨得二十九篇以教於齊魯之間而云口以傳授者
蓋傳教既久誦文則熟又言裁二十餘篇意以為少
之辭又二十九篇自是計卷若計篇則三十四去泰
誓猶有三十一劉歆云泰誓後得別錄云武帝時民
得於壁內獻之隋志伏生口傳二十八篇
又河內女子得泰誓一篇三統歷引
武成粵若來三月武王燎于周廟刑法志引泰誓立
功立事皆今文也

尚書大傳

漢藝文志傳四十一篇

即大傳也

隋志大傳三卷鄭玄注

崇文目同顧彪撰音二卷伏生作尚書傳四十一篇授同郡

張生張生授千乘歐陽生唐志伏勝注大傳三卷又

暢訓一卷

舊唐志尚書暢訓三卷伏勝注

中興書目按鄭康成序云

蓋自伏生也伏生為秦博士至孝文時年且百歲張生

歐陽生從其學而授之音聲猶有訛誤先後猶有差舛

重以篆隸之殊不能無失生終後數子各論所聞以已

意彌縫其闕別作章句又特撰大義因經屬指名之曰

傳劉向校書得而上之凡四十一篇至康成始詮次為
八十三篇 經典序錄尚書大傳三卷伏生作 大傳
篇目有九共帝告嘉禾揜誥之類虞傳有九共引書
曰予辯下土使民平平使民無傲殷傳有帝告引書
曰施章乃服明上下又大傳云子夏讀書畢見夫子夫
子問何為於書對曰書之論事昭昭如日月之代明離
離如參辰之錯行禮記周禮注疏白虎通文選注多引大傳 史記厥協六
經異傳索隱云如尚書大傳 劉向傳贊鴻範論發明

大傳著天人之應 後漢五行志五行傳注稱鄭玄曰
皆出注大傳也 郎顗傳尚書洪範記曰月行中道移
節應期德厚受福重華留之 晉五行志漢文帝時應
生創紀大傳 周禮疏書曰者是濟南伏生書傳文
王制疏伏生書傳有虞夏傳 玉藻疏唐傳云古者有
命民有飾車駢馬衣錦 詩疏堯典平章百姓書傳作
辯章平辯義通又引殷傳書正義引伏生書傳西伯戡黎引
伏生書傳云書序伏生口以傳授裁二十餘篇伏生以舜典合於堯

典益稷合於臯陶謨盤庚三篇合為一康王之誥合於

顧命釋文曰即馬鄭所注二十九篇疏秦誓本非伏生

所傳武帝世始出而得行史因以入於伏生所傳之內

故云二十九篇堯典臯陶謨禹貢甘誓湯誓盤庚高宗

肅日西伯戡黎微子牧誓洪範金縢大誥康誥酒誥梓

材召誥洛誥多方多士立政無逸君奭顧命呂刑文侯

之命費誓秦誓凡二十八篇加泰誓為二十九古文增
多二十

五篇大禹謨至問復出五篇

儒林傳秦時伏生壁藏漢定求其

書亡數十篇獨得二十九篇教于齊魯之間孝文詔太常使掌故晁錯往受之注師古曰衛宏定古文尚書序云伏生老不能正言言不可曉使其女傳言教錯齊人語多與賴川異錯所不知凡十二三畧以其意屬讀而已

史記漢定天下伏生求其書亡數十篇獨得二十九篇以教于齊魯之間掌故朝錯受之何比于學於

錯

尚書中候

隋志尚書中候五卷鄭玄注梁有八卷今殘缺 正義

鄭玄注中候依運斗樞以伏犧女媧神農為三皇又云五帝帝鴻金天高陽高辛唐虞氏六人名
五帝詩正義中

候苗興稱堯受圖書已有稷名在錄 中候合符后云云握河紀說堯考河命說舜契握云云云洛予命云天乙在毫東觀於洛我應云云稷起云蒼耀稷生感迹昌南齊志引
儀明篇

漢中文尚書

劉陶傳明尚書春秋為訓詁推三家尚書夏侯勝建及
歐陽和伯

古文是正文字七百餘事名曰中文尚書

漢尚書雜記

後儒林傳周防受古文撰尚書雜記三十二篇四十萬言
張良傳學歐陽著尚書記難三十餘萬言

漢鄭玄書贊

正義鄭玄書贊云我先師棘子下生安國亦好此學衛
賈馬二三君子之業又云孔子乃尊而命之曰尚
書選序名故謂之贊藝文志注師古曰鄭玄序贊云後
又亡其一篇書正義鄭玄注書序舜典云入麓

伐木注五子之歌云避亂於洛汭注虞征云虞征
臣名又注禹貢引虞征云厥篚玄黃昭我周王义
注咸有一德云伊陟臣扈曰又注典寶引伊訓云
載孚在毫又曰征是三牘又注旅獒謂首豪之
長

漢尚書正經

荀爽傳爽著禮易傳詩傳尚書正經春秋條例又作公
羊問及辨識 朱文公以諸篇本文為經而復合序篇

於後

漢尚書

史通晉廣陵相孔衍以為國史所以表言行昭法式至於人理常事不足備列乃刪漢魏諸史取其美詞典言足為龜鏡者定以篇第纂成一家由是有漢尚書後漢尚書漢魏尚書凡為二十六卷 唐志雜史類孔衍漢尚書十卷
後漢尚書六卷漢魏尚書十四卷隋志雜史魏尚書八卷孔衍撰梁十卷

書傳畧說

禮大行人疏按書傳畧說云天子太子年十八授孟侯
詩正義引之孟侯者四方諸侯來朝迎於郊或可遠郊勞使

世子為之是以孝經注亦云世子郊迎郊迎即郊勞也
彼雖據夏法周亦然 玉藻疏按書傳畧說云祀上帝
於南郊即春迎日於東郊 王制疏見學類 檀弓疏周
以至動殷以萌夏以芽 公羊疏書傳畧說

魏尚書釋問

隋志魏侍中王粲尚書釋問四卷

唐志四卷王粲問田瓊韓益正王肅

尚書駁議五卷

唐志云
釋駁

義問三卷鄭玄王肅及晉博士

孔晁撰

唐志王肅孔安國問答三卷顧歡百問一卷巢猗百釋三卷

尚書釋問一卷

虞氏撰

詩正義引王肅注

晉集解尚書

隋志東晉李顥集解尚書十一卷

唐志云
集注

尚書新釋二

卷宋姜道盛集釋尚書十一卷

唐志云
集注

經典序錄李

顥注十卷姜道盛集解十卷范寧集解十卷 正義李

顥集注尚書於偽秦誓引孔安國 南史孔子祛著尚

書義二十卷集注尚書三十卷

梁尚書大義

隋志尚書大義二十卷梁武帝撰

梁主言本有兩秦誓
兼而存之古文伐紂

今文觀
兵時事唐志任孝恭古文大義二十卷

唐二十五家書

藝文志經錄二曰書類二十五家三十三部三百六卷
始於古文孔安國傳注釋有謝沈王肅范甯李顥姜道
盛鄭玄呂文優王玄度傳有孔安國古文伏勝大傳暢

訓劉向洪範五行傳論馬融傳義疏有伊說巢猗費彪
蔡大寶劉焯顧彪劉炫孔穎達注逸篇則徐邈古文大
義則任孝恭音義則顧彪王儉王孔之間答王粲之釋
問顧歡巢猗之百問百釋衛包之今文終於正義不著
錄者王元感糾繆穆元休洪範外傳陳正卿續尚書崔
良佐演範四家二十卷 隋志三十二部二百四十七

卷 崇文目七部八十一卷 中興書目二十二家一

百八十七卷

續目十二家二百六十六卷
今所傳乃唐天寶所定之本

唐尚書正義

志尚書正義二十卷國子祭酒孔穎達太學博士王德韶等奉詔撰四門博士朱長才蘇德融助教王士雄趙弘智覆審書目云永徽四年長孫無忌等承詔刊定正義序古文經晚行

隋初始流河朔其為正義者蔡大寶三十卷巢猗三十卷費彪

十顧彪二十卷劉焯三十卷劉炫二十卷諸公文義淺畧唯焯

炫最詳雅貞觀十六年奉勅與長才等對敕使趙弘智

覆審穎達因費彪義疏實其異同或存或去隋書顧彪為祕書學士撰古文尚書義疏二十卷晉伊說

義疏四卷亡

唐志劉炫述義二十卷

顧庵文外義一
卷南史張譏尚書義十五卷

崇文目又有廣疏十八卷

唐今文尚書 隋今字尚書

志今文尚書十三卷開元十四年

八月十四日

玄宗以洪範

無偏無頗聲不協詔改為無偏無陂天寶三載

七月又詔

集賢學士衛包改古文從今文

其舊本仍藏書府

隋志古文

尚書十三卷今字尚書十四卷孔安國傳

釋文孔氏

用隸書寫古文凡四十二篇亡

汨作至毫姑

虞書十

六篇十一篇亡五篇存

夏書九篇五篇亡一云夏書唯四篇馬鄭以五亡篇為商書商書三十四篇十七篇亡十七篇存

周書

四十一篇九篇
亡三十二篇存

正義衛宏古文奇字序云秦改古文

以為篆隸又曰古文者蒼頡舊體周世所用之文字自蒼頡至周宣皆蒼頡之體史籀始有大篆十五篇號曰篆籀惟篆與蒼頡二體而已秦罷古文而有八體非古文矣以至亡新六書并八體亦用書之六體以造字於秦八體用其小篆蟲書摹印隸書去其大篆刻符殳書署書而加以古文奇字大篆非古文蟲書非科斗書也

唐尚書糾繆

志王玄感尚書糾繆十卷 會要長安三年三月上又

禮繩愆三十卷春秋振滯二十卷魏知古謂五經指南

唐尚書演範 洪範外傳

志崔良佐演範卷亡穆元休外傳十卷

元休穆寧父撰
外傳十篇開元

中獻之賜帛
授偃師丞

唐無逸圖

見圖類

唐尚書君臣事迹圖

見圖類 儒紀穆宗即位元和十五年三月壬子召侍講學士韋處厚路隋於太液亭講毛詩闢雎尚書洪範等篇既罷並賜緋魚

唐李至遠周書

見編年類

唐續尚書 文中子續書

志陳正卿續尚書纂漢至唐十二代詔策章疏歌頌符檄論議成書開元末上之卷亡不著錄 蕭穎士代正卿

表尋討載籍始有漢二典次我唐二典以續唐虞之典
文景明章之後魏晉宋齊以還南訖有陳北起元魏歷
周隋洎高氏至聖朝總十二代詔策章疏歌頌符檄忠
臣之正議武士之權謀類而刊之次以年代以續夏商
秦魯之篇嘗讀貞觀實錄太宗因聽政之暇觀覽尚書
謂侍臣曰朕每庶希唐虞亦思公等齊肩稷契愚臣緬
述太宗之旨勒成帝典不亦宜乎 王勃傳祖通隋末
居白牛溪教門人甚衆起漢魏盡晉作書百二十篇以

續古尚書後亡其序有錄無書者十篇勃補全缺逸定

著二十五篇

杜淹撰世家云文中子續書一百五十篇列為二十五卷

之目亡

其小序有錄無序云董薛之徒並受

其義貞觀中太原府君考六經之目亡其小序有錄無篇者又十六焉為作序補其闕始總章二年洎咸亨元

年定咸百二十篇二十五卷時龍

集闡茂唐御天下五十七祀也

文中子中說續書

始於漢以存漢晉之實

起漢高祖止晉武帝續書帝制公命惟漢有之君志臣事至晉

太康而止制命不及黃初志事不及大熙以魏承漢有魏無吳蜀

天子之義列乎範者

四曰制誥志策大臣之義載乎業者七曰命訓對讐議

誠諫賈瓊習書至桓榮之命又至郅惲之事曰制命著其道志事著其節

白居易補湯

征 陳黯作禹誥 蘇綽為大誥

開寶尚書釋文 咸平古文音義

唐陸德明釋文用古文後周顯德六年郭忠恕定古文

刻板

忠恕定古文
尚書并釋文

太祖命判國子監周惟簡等重修開

寶五年二月詔翰林學士李昉校定上之詔名開寶新

定尚書釋文咸平二年十月乙丑孫奭請摹印古文尚

書音義

唐志顧彪古文音義
五卷王儉音義四卷

與新定釋文並行從之

奭言

古文尚書釋文印
板猶存請雕印

天聖八年九月十二日雕新定釋文

晁氏志古文尚書十三卷孔安國以隸古定

以隸寫籀

自

漢迄唐行於學官明皇改從今文由是古文遂絕陸德

明獨存其一二於釋文呂大防得本於宋次道王仲至

家以校釋文雖小有異同而大體相類

中興書目古文尚書二卷 鄭

樵書考六卷考證古今文同異國史志唐孝明寫以今字藏其舊本

開寶別定今文音義與古文並行 經典序錄近惟崇

古文馬鄭王注遂廢今以孔氏為正其舜典一篇仍用

王肅本

景德尚書禮記圖 祥符觀尚書圖 皇祐無

逸孝經圖 紹興無逸圖

見圖類 又見帝學聖文類

唐盧碩以洪範篇書

于繢素為章以奏之

上洪範圖章

宋朝吳仁傑撰洪

範辨一卷增立新圖

辨歐陽修蘇洵所論

陳伯達為翼範

一卷 仁宗時樞副范雍繪尚書四代圖進之以

備中覽

元祐無逸講義 淳熙尚書講義

書目元祐五年二月壬寅講無逸終篇侍講司馬康吳安詩范祖禹等錄進講義一卷 淳熙十六年正月二十三日太傅史浩進講義二十二卷藏祕府 昆氏志元祐中顏復吳安詩范祖禹司馬康無逸說命解三卷

紹興三墳訓義

紹興十六年九月六日祕書省言撫州布衣吳沆進三墳訓義三卷文理可采 昆氏志三墳書七卷張商英得於比陽民家墳皆古文傳乃隸書所謂三墳者山氣

形也世以為偽撰蓋以比李筌陰符經云

淳熙禹貢論

四年七月九日刑部侍郎程大昌上禹貢論五十二篇

後論八篇詔付祕閣

序云天下大川如江河淮漢濟弱水黑水七者名稱迹道世傳失實

因著論辨證之

書目禹貢論五卷後論一卷專論河汴二水

之患又禹貢論圖五卷因禹貢備論歷代山川郡縣名

稱改易以唐世地書為正

大昌攷究年代地理等為書譜二十卷

尚書治要圖

中興書目五卷不知作者有月令後漢志中星圖周禮九禮圖等篇取其與尚書參會也

書九意

晁氏志楊繪元素書九意一卷

斷堯

虞書

夏書

禪讓

稽古

商書

周書
秦誓意凡九篇

張晦之洪範論一卷

景祐三年著七篇

胡翼之

洪範論一卷王氏洪範傳一卷

安石蘇洵洪範論一卷

論

二二孫諤洪範會傳一卷元祐中博士頗圖

攻王氏之失

孫覺莘老尚書

解十三卷王雱新經尚書十三卷楊時中立書義辨疑

一卷

專攻王
秀之失

蘇軾書傳十三卷

駁王氏之
說為多

顏吳范司馬

無逸說命解三卷

元祐中所
進講說

伊川書說一卷

門人記其
師所談四

十餘篇呂大臨書傳十三卷胡旦尚書演聖通論七卷

國史志王晦叔周書音訓十二卷

洪範數

蔡沉謂體天地之撰者易之象紀天地之撰者範之數
數始於一奇象成於二偶奇者數之所以立偶者數之
所以行故二四而八八卦之象也三三而九九疇之數

也由是八八而又八之為四十九十六而象備矣九九
而又九之為六千五百六十一而數周矣易更四聖而
象已著範錫神禹而數不傳後之作者昧象數之源窒
變通之妙或即象而為數或反數而擬象洞極有書潛
虛有圖非無作也牽合傳會自然之數益晦焉嗟夫天
地之所以肇人物之所以生萬事之所以失得莫非數
也數之體著於形數之用妙於理非窮神知化者曷足
以語此 朱文公皇極辨曰皇者君之稱極者至極之

義標準之名 邵氏曰唐虞其中天而興乎堯舜其應
運而生乎其猶夏之將至日之向中乎聖人刪書斷自
唐虞時之盛也

玉海卷三十七